



Ils 26avels Dis da litteratura han organisà (da san.) Natalia Tuor, Sereina Nay, Maurus Candrian Laura Decurtins Rosset e Sara Francesca Hermann.



Karin Kohler-Pattis (a san.), l'illustratur Rolf Giger e l'autura Silvana Prinz-Filli, en maun il nov cudeschet per uffants «Pilo».



Viola Pfeiffer, la nouva presidenta da l'Uniu da Litteratura Rumantscha, ha avri ils 26avels Dis da litteratura a Domat.

Emprims dis dal mund cun tuns inusitads

■ (anr/fa) Il scriptur Tim Krohn ed il musicist Niculin Janett cun band han avri ils Dis da litteratura 16 che avevan il motto «Rispli sin pupi». Krohn ha prelegi in text dals temps cur che tut era anc nov e senza num. L'autur Tim Krohn è stà gia la segunda giada giast als Dis da litteratura a Domat. Avant ina deschina d'onns aveva el prelegi qua or da ses roman «Die Quatemberkinder». Quella giada nun aveva el nagina colliaziun cun il rumantsch. Uss, ch'el abita cun sia dunna e lur dus uffants a Sta. Maria en

Val Müstair, è quai auter: Els èn londervi dad emprender rumatsch jauer. Per la prelecziun a Domat ha Krohn tschernì il roman «Zum Paradies» ch'el ha publitgà l'onn passà en ina mo pitschna ediziun. «I sa tracta dals emprims dis da l'umanità, cur ch'el ha creà Adam ed Eva sa chattava er il char Segner sco davant in feigl anc tut alv.» Cunquai che Krohn ha fatg pli baud, avant che decider da sa concentrar sin la lavur litterara, era savens musica «saxofon e clarinetta bass» è el stà pli che d'accord da cumbinar la prelec-

ziun cun in concert. Quel han dà il saxofonist Niculin Janett cun ses «Jazzmusik-Baukasten», Tobias Carshey (chant), Lukas Wyss (posauna), Joscha Schraff (clavazin), Lisa Hoppe (cuntrabass) e Maxime Paratte (battaria). «Las chanzuns rumantschas sco Fila fila, Randulin ed Il cumün in silenzi hai jau emprais gia da mat», ha ditg il figl da Curdin Janett dals Fränzlis da Tschlin, «sco musicist da jazz las hai jau prendidas sco basa, laschond il text original, integrond però era mias ideas influenzadas dal jazz.»




Il «Jazzmusik-Baukasten» da Niculin Janett ha interpretà diversas chanzuns popularas rumantschas da moda nova e sorprendenta.



La sala polivalenta Tircal era er tar ils 26avels Dis da litteratura a Domat adina bain occupada.



Claudio Spescha, Pia Valär e Benedetto Vigne cun il nov cudesch da poesias da Vigne.



Il scriptur Tim Krohn en acziun prelegind or da ses roman davart ils emprims dis dal mund.



Il multitalent Luis Coray tar la preschentaziun da ses cudesch «Munds – Welten».



Baldina Cantieni ha prelegi or da la Chasa Paterna che fa omagi al Chardun.



La poetessa Gianna Olinda Cadonau e l'editura Mevina Puorger han preschentà il cudesch «Ultim'ura da la not».